

上清佩符文絳券訣

流金火鈴符

佩此符皆宿命應仙佩符之身出入遊行常當存想已身項上有圓光映照四十萬里之外九年勤心真靈下降以紫縉二尺二寸未

書佩之頭上右符出紫度光經

高上玉晨命魔靈幡

佩之者主制南方赤帝魔靈大王依日入室誦南方曲施幡於室內安南方黑筆書絳縉

上右出曲素上經

赤帝招靈致真攝魔之符

以青書赤板上今廣九寸長一尺二寸安室南面修行誦經入室百日與神人共言三千日室生自然赤霞之雲欲致真人天仙當書如法著符東面精思百日真人降形仙人詣

房授子神真之道右出金具五光經

上元豁落月精之符

欲通靈致神黃書白紙西向服之精思百日神人降形與兆共言欲制魔攝精以黑書赤木板上九寸施著東北之上百日北帝捕魔

天元攝精萬妖絕滅內外蕩清帝皇之章秘而修行七年飛仙白日升天

五元豁落變惑星精符

欲致南嶽真人仙官以青書赤紙南向服之精思百日仙官立到真人詣房賜兆神芝寶

文與兆共言欲制赤帝之魔以黑書赤木九寸板上向南面百日天魔束形萬精自喪帝皇之章行之七年白日升天右符出七元經

青帝甲乙通靈玉符

青書絳縉佩身又以甲乙日青書絳紙上東向服一枚三年甲乙青腰玉女降見兆身通

靈知東方萬里之事致東嶽仙官送自然之廚九年青帝降於寢房迎以青霞之輪上升上清宮右出靈飛六甲經

清微天始青正法除六天文

始青飛玄之氣結成玉文佩者制靈使氣威攝十方出空入無萬道開張

禹餘天元白正法除六天文

元白飛玄之氣結成玉文佩者臣制萬靈威神滅魔辟却陽九防過窮年災所不傷出入

空玄適意所行右符出三天正法經

玉清沖融有鬱敵沙天齊曠晨隱書

金玄內文

西王母受之於北極皇上先生行神仙之道當以青書紫板上置東北以滅蒼帝大魔

王官屬招致東方福都集永安世界蒼帝仙官十年則致仙童十八人給光驅使甲自然靈藥高上飛玄羽章又以青筆書紫紋上佩身行之東北永安世界則萬靈求帶魔王

稽首禮迎得乘紫雲羽蓋飛行玉清宮

玉清碧落空歌餘樂天總晨九極隱

書金玄內文

玉清高元君所佩行神仙之道當以黑書丹板上置南方以滅南方赤帝大魔王官屬招致南方仙官行之一十八年則洞陽丹靈真

景君降形於兆身役使仙官取自然靈藥又以黑書絳紋佩身行之南方宛梨城境葉賢

之世界則大魔王東帝稽首禮迎仙官侍衛入南嶽則得南極寶書致丹雲羽蓋一十八年飛行玉清宮右符出五清隱書經

左靈飛玉符

玄氣始生之精素羽之章佩之九年乘空飛
行上登五星欲修之日書左足蹠心即能躡
空飛行書絳繒九寸佩之右統六甲十二神
五女十二人侍前符出九經

北帝素靈滅魔殺鬼玉文受之於高上三天衛

欲殺庚辛日鬼黑書丹篆上長一尺二寸廣

三寸二分庚日安南方丙上辛日安丁上閉

氣三息叩左齒三十六通祝曰

天開地道 玄氣朗清 掃除浮翳 五道煥明

奉帝詔命 檢校萬靈 北鄴所部 威嚴正形

高上所攝 促無時呈 群魔自到 鬼爽滅精

風發電激 自天肅平 皆如玄符 伏誅帝庭

畢引氣三咽止行之三日鬼魔皆東形見

影受事於眼前萬魔伏法群凶滅跡也黑

書丹紋上佩身遊行天下萬鬼竄伏群靈

莫干三年自得役使太玄玉女五人符出五

持龍書經

上清佩符文錄卷訣

上清佩符文黑券訣

高上玉晨命魔靈符

佩之者主制北方黑帝魔靈天王依本經按
日入室誦北方曲施幡於室內安北方黃筆
書黑繒上右出曲

黑帝招靈致真攝魔之符符

以白書黑木板上令廣九寸長一尺二寸安

室北面修行誦經入室百日與神人共言三

年室主自然綠霞之雲欲致真人天仙當書

如上法著符西面精思百日真人降形仙人

詣房授子神真之道右出金真五光經

白帝庚辛通靈玉符

白書皂繒佩身又以庚辛之日白書黑紋上

西向服之一枚三年庚辛太素玉女降見兆

身通靈知西方萬里之事致西嶽仙官送自

然之厨九年白帝降於寢房迎以素霞飛輪

上升上清宮右出靈飛六甲經

靈飛玉符

元氣之精升玄羽章佩之九年得乘飛雲登
修之日書右足蹠心即能躡玄而飛書皂繒

九寸佩之左統六甲十二神玉女十二人侍

後右出九真并玄上經

玉清神摩重妻子騎天香羅遊根隱

書金玄內文

九天真玉所受行神仙之道當以黃書黑板

上置北方以滅北方大魔王官屬招致北方

仙官十五年則致北極玄上玉真君授兆高

上寶書役使仙官五十人又以黃書皂紋佩

身行之北方鬱單野清淨之世界則萬靈東

帶魔王稽首禮迎入北岳則致黑雲羽蓋飛

行玉清宮右出玉清隱密經

北帝丹靈滅魔殺鬼玉文受之於高上三天衛

欲殺丙丁日鬼當黃書黑素上長一尺二寸

廣三寸二分丙日安北方壬上丁日安癸上

閉氣五息叩左齒三十六通祝曰

高上告命 普攝萬靈 伯吏授符 稟按玉清

檢督北鄴 束送魔名 上帝所須 無虧時星

皇老監詔 五仙部兵 天一乘鉞 斬滅無停

萬萬伏法 千千戮形 殺律所攝 莫不悉清